

晚晴移詩匯

晚晴移詩匯卷一百三十一目錄

徐大鏞

二十九首

李枝青

五首

張培金

一首

袁翼

三首

崔光笏

一首

韓鼎元

一首

朱世重

一首

鄭民鑫

二首

麟魁

一首

黃爵滋

二十二首

吉明

二首

雷以誠

二首

池生春

一首

湯鵬

十五首

沈濂

六首

徐盛持

三首

朱蔚

一首

孔憲彝

六首

黃文琛

十三首

余正酉

二首

朱駿聲

六首

黎愷

一首

管同一首

張琚一首

晚晴移詩匯卷一百三十一

徐世昌

徐大鏞字序東號蘭生天津人道光壬午舉人官杞縣知縣有見真吾齋集

詩話叔會祖蘭生先生詩法香山流麗清雋自抒性靈真摯中尤多見道語蓋以儒者入官通知今古躬經憂患安命委時年登大壘脩然物外寄意吟詠亦與香山相似佳句如蘆花云一痕秋水人何處九月霜華影共飛雨霽云雨餘花力怯風定樹陰圓早發春晴云晨氣連畦潤河聲抱郭流送蔡青弟回汴云塞雲初起雁歸去野水自流鷗獨眠病中作云無力飛鳴憐凍雀有時神俊愛秋鷹放言云花留臘蕊無人折蘭有孤芳轉自燒二月初九日紀事云盛世自多寬大詔衰年難作太平民皆可誦也

月夜偕高寄泉訪樹君先生不遇

滿地月明夜攜行高達夫幽人不可卽願影生踟躕霜鶴一聲喚寒梅花著無歸來眠未穩夢已到林逋

形勝集卷二十一
一
寄和梅樹君先生見懷原韻

吟到懷人句，憐才獨有君。
光陰殘嶺雪，心思亂山雲。
浪跡成何事，羈愁不可聞。
北風吹斷夢，離緒觸繽紛。

病中遣興作六言詩

水田十畝，五畝竹溪。
三灣兩灣，猿鶴不能久待。
問君何日買山？

見燕營巢感而有作

檐前紫燕雙飛鳴，銜泥啄草經且營。
自晨至午巢已成，燕成功何其速。
千里關山聊託足，瞻烏知是誰之屋。
舊時栖息王謝堂，珠簾畫棟春風香。
喃喃絮語心悲傷。

短歌行

芙蓉泣露秋江空，杜鵑嘯血枝枝紅。
空山落葉掃塵下，蒼

涼眼底皆蒿蓬滿堂美人美且都瓊筵旨酒無時無屏間
翡翠光如電枕上鴛鴦夢不孤回首故人多厚祿賸有冤
禽填海獨海天風露九秋高一葉飄零聽怒號到此塵緣
都解脫還向琴書討生活石破成塊堅不移朱研作粉色
難奪

山居漫興

山色空濛裏風寒古木號雲遮殘嶺斷石激怒泉高到此
心如寄真教影亦韜閒居何所事終日讀離騷
久已名心淡思歸不自今轉因棄簪組始得遂山林風急
秋砧碎天陰戍鼓沈羈愁眠不得枕上自長吟

放歌

唐衢痛哭清猿哀孫登大笑山花開至情流露出肺腑一

哭一笑眞千古世事悠悠良可嘆常垂青白眼看人人心
不同如其面可憐哭笑皆非眞君不見羊志急眼淚雙雙
豈爲貴如墜又不見太傅讀儀文冷笑難逃國土刺三代
直道不可留我今閉戶謝交游無端晚歲投荒壤霜雪欺
人半白頭白頭不用傷遲暮廬山眞面猶如故

閉戶

閉戶少人到相依有影隨卻愁惟醉好多病與閒宜邊迴
秋來早山高月上遲一聲長笛起吹動故園思

游仙曲

仙人所居在蓬島門前一色金明草玲瓏樓閣十二層層
層但見綠雲繞中有雪膚花貌人手把芙蓉掩翠幃玉女
侍妝環曉鏡青童持帚掃香塵銀屏迤邐開雙扇傳聲將

赴瑤池宴排空五色駕雲車短尾青龍奔似電九天聲咳
落珠璣偷看羣仙笑語嬉羣仙齊唱春歸曲驚醒游人尙
未歸子夜清歌歌且舞天公亦解別離苦溪頭開盡白菊
花春淺春深寂無語

秋日漫興

頻年偃蹇走荒山老去誰知遇更慳人以苦吟防早睡天
緣好懶與長閒涼生斷角殘鐘裏秋在層巒疊嶂間厯盡
風霜驀回首幾行鄉淚背人潸

秋風秋雨病相如冷啜誰來問起居作吏未餐一升飯投
荒補讀五車書已甘小謫成禪蝨賸有閒情辨魯魚白日
昭昭何處去空餘團扇墨痕濡

塞上曲

腸斷龍堆馬邑前胡笳一曲最淒然雲橫玉壘干盤嶺雪
壓雕鞍六月天寄遠寶家新織錦投荒蘇武久餐氈逐臣
放士知何限青鬃來時白髮還

漢磧秦城望欲迷百年興廢草萋萋風吹木落駝銜尾沙
擁桑乾馬裂蹏此日雄圖歸冀北誰家清夢破遼西清時
絕壤皆耕種無地喧聞著鼓聲

輓張船山太守

天遣蓬萊作謫居陶山轉世定非虛

公生於館陶有陶山多恐是前身句英

年射策科名早中歲辭官宦興疏足跡幾窮天下路眼光
不泥古人書詩壇酒壘堅無敵一氣如雲自卷舒

芸館蘭臺閱廿春常留鄉夢在峨岷官居清祕才原稱詩
到空靈性最真出領三山仍舊籍歸辭五馬亦前因神仙

不慣風塵住東海難回勇退身

出山泉似在山清入世人多避世情窮到昌黎文送鬼痛

深工部筆談兵

謂寶雞題壁諸作

萬千著作傳須福五十年華夢

太輕料得西方千佛引

公寄萊人詩夢隨千佛到西方

止餘魂返錦官城

公未抵蜀卒于途歸時年纔五十

未遂擔簦謁大賢予生也晚恨無緣十年每苦思張緒三

絕真堪繼鄭虔姜被自多春草得

集中與尊兄亥伯公唱和最多

和衣又

許老梅傳

沾上梅樹君先生出公門下

不須伯道悲身後身已千秋澤

豈堙

讀白樂天覽鏡喜老詩欣然有作

行年六十四衰羸已如此心爲境所役多憂少歡喜如木已成灰焦勞伊胡底忽讀樂天詩不覺恍然矣涇涇小人

哉所見何其鄙試觀同氣中皆無逾我齒

兄弟六人地下
余年居長

已三人生存僅半耳更觀同游輩不必遠爲指卽以今年

論兩作故人誄春日亦吾亡

郭君
鳳恩

夏月虞卿死

方君
長治年皆

少於我忽焉成新鬼彼獨胡爲然我又何所恃略無災害

侵歲歲籌增紀所以白樂天恬然安杖履無戀亦無厭

樂天

句

知足乃知止覽鏡自喜老胸襟此何似一編長慶集吟

玩日無已可化褊急心可悟盈虛理始知我一生亦既受

帝祉自問何德能恐尙不稱是行將開七秩未嘗勤四體

不用守庚申又免呼庚癸雖無少傅尊亦曾忝祿仕雖無

履道居亦懶營宅第樂天況無兒我已有孫子當喜不當

歎

樂天

歡娛從此始

錦屏山歌

疊翠蒼蒼密無縫老龍氣奪丹山鳳杏花橋柳無一株萬
千松柏排巖洞後凋但覺四時青武后臨軒始得名七襄
織出天孫錦百寶裝成雲母屏游人先自西麓上香山寺
宇何清爽紅闌干倚碧嵯峨表裏山河猶運掌召伯留侯
思叔祠三祠各占一峯奇巍然鼎峙白雲裏蠟屐未登齒
折矣東峯絕頂洞賓樓樓在老君堂上頭陶公洞又居其
下煙霞亭是仙游者仙人蹤造化工看來都在此山中不
然萬千松柏靈氣鍾何以前山後山無一叢

過洛陽留別汪東初

三月春光信欲殘雨餘猶怯曉來寒輕裝重整歸原易好
友初逢別轉難伊闕林巒詩境遠香山煙雨畫圖寬

東初
工詩

盡

洛陽紙價從今貴博得公卿刮目看

老病

老去原非與病期，病來偏覺老堪欺。
恐將損肺先停酒，怕欲嘔心漸廢詩。
獨醒最難銷永夜，兩餐已是減平時。
衰軀應似霜前草，眠食分明報與知。

讀香山送愁還閬處移老入閒中句，深有味乎其言。
因賦此詩。

愁本生於閒，老須償以閒。不難移以入，所賴送之還。
爲此詩者，其知道我今讀之恨不早，可以大歡喜，無地著煩惱。
可作小神仙，有生博壽考。君不見市上紅塵熱，於火炙手
焚身無處躲。山中白雲懶欲眠，棲松巢鶴皆千年。

壬戌五月初三夜，忽中風痺之疾。香山所謂體癢目
眩，左足不支，與有同病焉。昔符堅得習鑿齒於漢

南因其蹇疾裁堪半
丁香山詩云漢上羸殘號半
人是也余年已七十可以稱翁
因自號半翁紀之以詩

半翁肢體已冥頑
詩酒閒情未忍刪
卅載心傾長慶集
誰知病亦學香山

當日飢驅走晉秦
半翁早歲卽風塵
誰知一副幽燕骨
化作牀頭廢棄身

四壁懸將新畫本
紙窗竹屋盡煙雲
半翁身在煙雲裏
鎮日卧游宗少文

和自解原韻

自學詩來五十載
久將白傅奉爲師
一千年後憐同病
病裏依然日詠詩
有句直須早傾吐
夕陽紅影不多時

九日作

忽忽又重陽急景乃如許清爽滿城秋無風亦無雨猶憶
八月中水深沒階礎靡日不淫霖匝地無乾土豈獨辱泥
塗兼亦傾環堵晴來近兩日籬菊花全吐莫放晚節過好
把中秋補煮酒復題糕謀歡恣笑語某寺及某壚樓臺心
暗數相約共登高先期命儔侶跋鼈足不支傷禽徒自苦
向往豈無心心雄趾難舉平地尙趑趄陟級尤艱阻暮齒
病纏綿推頽固其所笑謝眾賓朋逡巡仍獨處蕭然斗室
中一身對二豎

偶感

牡丹傾國色幽蘭眾香祖人間極品花凡卉非其伍我爲
長太息位置不得所牡丹蒙穢塵幽蘭插糞土空負此美

名無人爭快睹天意茫茫不可窺後先矛盾乃如許既予之以色與香胡又令其遭際苦不受沈香亭北風不沾空谷叢中雨可憐憔悴過一生不及羣花隨意吐乃知穢塵糞土中埋沒英才不可數吁嗟乎此恨同今古

李枝青字蘭九號薌園別號西雲福安人道光壬午舉

人歷官乍浦同知有西雲詩鈔

詩話西雲治經績學勤求經世之術集中感慨時事雅近杜陵又常擬諸詞曰使門守盜乃爲盜資使姬乳兒乃令兒飢刺牧病民也曰山高林密蛇舞學龍欲告雷霆厥道何從憂世亂也曰美人居家海上神山我有香草天高風寒志潔身也又詩云抱瑟歸去來惡聲終不出故獲咎而無怨尤薛時雨甚稱之

同李筠舫

汝霖

羅沁吾

源一

黃肖山

世俊

游葛嶺

直擬松顛叩寺扃天梯九十二層經僧披宿霧開精舍人御罡風立畫屏湖影一痕浸城郭江聲三折下滄溟依然

偉觀成終古誰向山椒再築亭

初陽臺迥出煙霞後樂園荒噪亂鴉仙令飛昇仍有豕相
公賜第竟無家閣光蘸碧巖圍竹雲氣蒸香鴨焙茶此有竹閣

元關寶勝

有蘇公遺刻否重來石壁剔苔花

四月三日到臨海縣

亂峯飛舞下天台勒住重巒百雉開白鶴山衝雲氣起金
鼇濤拍海門來越王土宇連天盡徐福帆檣幾日回擬躡
括蒼高絕處青煙一點望蓬萊

前瞰靈江後枕屏章安鎖鑰控東溟樓臺晴壓蠻煙溼城
郭朝浮海氣腥湖上魚鰕羅市白雨餘筍蕨出林青比鄰
吾土同風物莫把華胥夢便醒

觀山秋眺

破曉秋光潑眼鮮俯窺鯉壑立霞嶺輕煙一點扶桑島涼
巔千山落木天劫火纔燒亭畔佛引風還望海中仙老僧
遙指驚濤外認得歸來日本船

張培金字生洲信陽人道光壬午舉人官麻陽知縣有
望山詩鈔

曉過東昌

破曉征車發如龕坐未安野平風力大霜重月光寒老樹
棲鳥穩危橋度馬難遙知花信好春在五雲端

袁翼字穀廉寶山人道光壬午舉人官玉山知縣有選
懷堂詩鈔

詩話穀廉宰玉山寇至李次青廉訪元度方帥師援
浙請留禦寇寇城賴以全詩以工秀勝晚遊亂離漸歸
蒼老亦工爲駢文門人
高安朱齡爲之箋注

呂城

阿蒙城址長蒿蓬依舊江流日夜東
遶岸樓臺殘月下嚴更鼓角亂山中
爬沙大蟹時穿蘆撲火秋蟲誤打蓬
歎息荊州人熟睡白衣穉子竟英雄

舟中立夏日示章寶笙同年

吹到炎風十里潭嵐光潑墨水拖藍
鄉音有客同吳下春夢無聲別嶺南
茉莉香薰新苧袷櫻桃紅入小筠籃
木魚歌裏漁郎飯祭竈今朝餉麥蠶

崖州寇萊公祠

獨有乖崖老能知天下才六軍孤注險
萬里逐臣來池上星猶隕牆陰竹徧栽
廟中今報賽蠟淚又成堆

崔光笏字正甫號蕙田慶雲人道光壬午舉人有蕙田

草

早行

野店無更鼓烏曉夜欲闌遠鐘催客起斜月照人寒樹密
知村近沙平覺路寬行行天欲曙曉日出林端

韓鼎元字象也號草亭掖縣人道光壬午舉人有草亭
詩藁

黃土坎

亂山合沓不容車路入窮鄉亦可嗟於菟窺人渾似犬羝
羊分乳便名茶風聲淒楚禽嘯樹野色荒涼草戴花落日
亭亭何處宿危巖寂寞幾人家

朱世重字石亭峩眉人道光壬午舉人有峩秀堂詩鈔
荊門州

全荆門戶仗荆門，荆水荆山向北奔。
地削九州開半壁，天催一氣到中原。
十分人物三兵役，五里墩臺幾井村。
客有雄心隨道柳，絲絲縷縷絆游魂。

鄭民鑫字荆南，臨淄人。道光壬午舉人，有雪村詩草。

村中晚晴

雨止雲光散，風收嵐氣侵。
斷虹穿澗遠，返照入林深。
野巷鳴歸犢，高枝噪暮禽。
村居無別樂，好靜守初心。

初秋偶成

荒涼館舍夏初過，閒倚松枝靜養和。
樹果漸垂經雨重，庭花難數入秋多。
佐餐時或烹葵菽，憚暑偏宜著綺羅。
最是羲皇堪傲處，開窗一夢到南柯。

麟魁號梅谷，滿洲旗人。道光丙戌進士，改庶吉士，授編

修官至兵部尙書協辦大學士署陝甘總督贈大學

士諡文端有夢花書屋詩鈔

詩話順治壬辰乙未二科滿漢分榜甲第具備自後
仍合爲一榜滿洲進士擢高第至梅谷始得傳臚後
十二年戊戌靈文恭繼之同治乙丑崇文忠狀元光
緒癸未壽子年尙書榜眼一百一十一科中祇此四
人而文恭及子年尙書皆以宗人登第文忠本蒙古
以後家丹闡政滿洲蘭鐫舊族金殿傳名惟梅谷爲
專美矣

驛館夜坐

驛館挑鐙秋夜深思量旅況昔猶今有書莫漫途中寄得
句何堪馬上吟半載消磨關塞日一鞭擲碎使臣心無情
最是西來路老我風塵白髮侵

黃爵滋字德成號樹齋宜黃人道光癸未進士歷官刑
部侍郎降員外郎有仙屏書屋集

詩話樹齋在諫垣言論風采爲一時清流領袖疏請
嚴禁鴟片世稱謫論然發大難之端不可復收當亦
非先事所及料詩循杜韓正軌縱橫跌宕才氣足以
發其所學徐廉峯嘗作四子論詩圖以張亭甫潘四
農與樹齋並列樹齋爲題有酒入章源本風騷持論
必衷於正爲諸人所推服晚年刻渠彙錄徐東松郭
羽可艾至堂湯海秋及亭甫四農平日評
論所及以爲自序蓋信其詩之可傳也

晚登來鶴亭同郭韻堂

瀟陽三百家攬之不盈掌炊煙眼前生須臾變蒼莽危亭
此登陟高下一俯仰不覺城市喧但聞谿碓響斜陽下山
盡明月向空上牽裾不忍歸惆悵東君往

登黃鶴樓

大江東去向黃州黃鶴仙人此舊游風色曉嚴猶禁渡日
華秋靜獨登樓桃花祠外盈盈水芳草洲前點點鷗紅樹
青山無限況且揩醉眼破閒愁

百花洲

百花湖畔百花明
花氣冥冥湖氣清
湖雨湖煙春漲漫
花開花落碧山橫
蛛絲罨檻纏綿結
虹影迴波曲折生
歲歲舊游攀折地
曉風楊柳最牽情

觀音巖

船溯潁陽之上游
峯奇石詭堆甍樓
觀音潭水不可測
窟宅隱隱橫蛟蚪
嵯峨青壁一千丈
嵌空石腹深且幽
然犀徑入百怪避
竊窳直欲窮冥搜
仰攀闌檻俯躡磴
有似枯木緣獼猴
裘衷暗室乍若暝
豁然天地來雙眸
嚮者經過曾不識
到此頑石爭點頭
鐵瓮迴穿戶眼突
鐘乳倒挂檐角鉤
蓮花石上老佛笑
摩盪元氣爲我舟
羣山拱向儼合什
香煙一氣淩女牛
胸中邱壑不蒨薺
吁嗟智藥知吾不

舟泊樟樹鎮

贛波浩蕩注洪州戰蹟荒涼古樹秋嶺月帶星沈戌埃峽
雲飛雨入漁舟市聲乍散人煙外鐙影遙明野渡頭聞說
魚龍今退避江鄉禾稻可全收

贈別余芝衫

秋風起庭樹涼蟬聲愈繁游子命車駕催促返故山故山
何所事蒔爾三年蘭幽芳媚空谷可佩亦可餐持贈素心
友寶貴何可言浮雲我與爾離合無定端此別見何日常
恐彫朱顏碧筒儻可掇勿廢盈觴歡

送張亨甫之鄭州

去夏君出都往視阿兄疾送君西門外馬鳴酸不輟北來
已西風南歸又白雪寒烏戀慈母桓山翼已折嗟君遇未

通出處無定轍奔馳二萬里乃若旋一室神物已暗驚人
言豈足恤天公信厚君迫使鍊詩骨豈慕貨殖賢幸乞扁
鵲術惜無白髮兄爲君作生日

清流關

勢壓磨盤雄天河俯瞰中澗風秋咽角嶺月曉懸弓虛埃
人煙合危橋驛騎通香泉儲萬斛欲問醉鄉翁

至德州懷徐東松暨盧魏二生

瀘谿有二生知我徐夫子飢寒不暇顧苦欲學詩史夫子
寄我書八月章江涘答君何遲遲月冷魚山水文章出有
神光怪豈不偉孰云草莽間終老巖穴士河流尙未冰思
君對鮮鯉吾徒孰升沈消息無寸紙

神木歌

東府城空王氣摧，萬歲山前宮殿開。
大木參天工失裁，無用爲用神驅來。
置之東門象出震，觀者戢戢詫山峻。
雷轟電裂百怪避，卧理坤維作雄鎮。
中空外廓如枯槎，剝落薜石嵌風沙。
白晝茫茫蒼海立，老龍睽矐靈蛟拏。
君不見有明中葉貂璫爛，西山土木誅鋤徧。
又不見潢池兵燹肆，毒痛蜀山碧血明。
社墟滄桑閱盡惟神木，回首蒼涼泣馬湖。

撫州行寄太守郭松崖前輩

羊城山宛宛，半插高空半平遠。
羊城水湯湯，其源清激流汪洋。
墨龍池上龍飛翔，星辰照耀垂文昌。
名賢典則首陸晏，名宦風流首謝王。
石人晴雨天無定，金窟銀峯地寶罄。
水溯巴湘估客窮，山梯閩粵征夫病。
黃山之山高，高可種竹黃水之水深。
深宜禾疇乃有不耕之夫，原上游盜筍不

足還盜牛我生之初風尚古歲時伏臘羅尊俎昔日崇墉
足穀家今時飄泊無聊侶臨川之南龍骨渡乃是逋逃淵
藪處爲狐爲鼠遑恤他爲虎爲狼當奈何父兄教不先子
弟率不謹不見阿芙蓉家家鬼結隣士貧孰義學民貧孰
義倉貧人挑鹽富人食官吏捉鹽鹽被攘安得反澆俗盡
爲農桑民安得挽薄習盡爲絃誦人我聞顏真卿治陂池
田民利均又聞秦起宗儉約安靜民化瘠公其邁古昔與
民爲更新愛民之吏公其舉賊民之吏公其甄玉田氤氲
靈谷芬側身南望歌神君

秋雨歎寄海秋亭甫

秋雨颯沓淒五更孤鐙無燄樹有聲百年之憂一息集虛
室疑有鬼神入文章鬱鬱感我腸世事冥冥幻轉睫四海

知君意氣大湯生兀兀張生挫非愚自笑北宮窮有懷欲
救弱桑餓我有破屋如盧仝秋深四壁愁雨風杜陵悵悵
萬間厦此願恐付虛無中湯生家潁陽潁陽之水橫披猖
張生來燕市燕市米價亦騰起無田可耕祿可養白雲高
高悵南望君乎與我同寂寥黑頭那得取卿相西望翠微
山山中泉石何蕭閒我有夙約竟孤負終夜漫漫坐愁歎
張生三日游未回湯生咫尺亦不來眼中之人生我哀昨
者珠玉今黃埃吁嗟萬事乃如此日月遷流枉悲啼明朝
秋霽堪登高安得痛飲中山醪

癸巳中秋次韻答陳潤珊并示江南留京諸子

唳鶴一聲來遠皋
人爭不夢魂勞已憐束縛非吾志
安得馳驅更爾曹
帝女河橋終寂寞
嫦娥月殿自清高
卻愁

天末浮雲蔽冷雨催成點客袍

江南幾輩昔知名未必文章愧長卿客去蕭然瓊島夢水
流淒絕玉河聲匣中古劍疑龍化衣上浮塵逐馬生頗似
晨星三五點因依北斗不勝情

太行秋色來天外長嘯江亭一倚欄咫尺尙難招好友逍
遙何處揖仙官揮戈漫見陽烏返挾瑟空憐夜月彈麋粟
虛糜竟何似辨香慚愧燕詩壇

要從出處見真吾澄澈冰心貯玉壺朋友多情誰管鮑師
生無負卽歐蘇觀書鐙下眼如月待爾花時酒滿觚莫歎
儒冠誤秋髮他年勉力共鵬圖

不見

不見鄉園又十年白雲紅樹意茫然南華峯外科陽路誰

看黃牛抱犢眠

喜郭羽可至京

太息風塵老郭隗夕陽瘦馬又燕臺詩聲疑挾黃河至畫
意添將紅藥開四海交游幾兄弟千秋事業一雲雷天心
莽莽終難問賴爾雄譚佐酒杯

山西行送陳潤珊寄李榆村刺史

山右古陶唐之遺我歌唐風鬱以思近者乃有伏牛之里
舞羊澗若燎旋撲嗟旣靡千載李韓不可作并州萬族將
誰託賴爾循良荀與郭方今中外久一家雁門日落無風
沙但使粟城穀山不告竭何用秦壁趙壘相矜誇陳生四
載燕市客論文與我共朝夕秋風送爾有寒色塞亦不足
畏熱亦不足欣此意孰相識今有忻州李使君若過尹鐸

祠前路還訊薛雲谷裏春

二月二十六日招葉筠潭前輩郭羽可父至堂蔣子
瀟張亨甫朱曉山小集江亭

孤亭遙對翠微彎
夕風狂坐掩關
冀北才多天下駿
江南春在夢中山
杏花淺白人初醉
柳葉深青燕未還
何處飛雲齊引領
甘霖三日洗塵寰

趙北口

十二橋頭落月斜
老漁炊火傍蘆花
鷗鷺瞥向波心起
衝得紅鱗上釣槎

長夏無事偶檢十餘年來師友翰墨得十卷裝池之
因成七律一首

如將海嶽貯胸間
永晝披尋得靜閒
琴絕有時悲逝水
花

開頻想折春山蕭條風雨成離合浩蕩乾坤寄往還最是
關懷勤策我不堪攬鏡髮將斑

吉明字曉帆滿洲旗人道光癸未進士歷官內閣學士
降葉爾羌參贊大臣有學愈愚齋詩草

忠武廟前鐵人歌

頑鐵頑鐵殊不屑鑄就奸臣受挫折道旁來往無限人只
罵奸臣不罵鐵獄成三字天地悲東窗祕語終教世吁嗟
乎千載而下長惡名榜罪階前跪霜雪

雪後望西山

燕城西望盡峯巒雪後山容更改觀玉樹高擎破空碧晶
屏遙列逼人寒光迎曉日浮嵐溼色混晴雲擘絮殘此境
雖非眞面目也能爽氣豁眉端

雷以誠字春霆號鶴皋湖北咸甯人道光癸未進士由
刑部主事歷官光祿寺卿有雨香書屋詩鈔

渡揚子江和黃樹齋少司寇原韻

一鏡波涵兩點山幾番新漲潄孱顏人行短笛漁歌裏春
在垂楊暮靄間落日猶憐飛鳥倦疎鐘惟報老僧閒南風
儻得催歸棹第一泉甘飽酌還

重經山海關寄黃樹齋同年

逐隊輜軒瞬十年使車重度意愴然樓頭風景懷騷客海
內才名已謫仙拓我胸襟歌楚調思君面目夢廬巔從今
莫問驚塵事好趁閒情學樂天

池生春號簫庭楚雄人道光癸未進士改庶吉士授編

修厯官司業

詩話劉寄庵主五華書院齋庭與呈貢戴清古村雲
川楊國翰丹山昆明李於陽卽園戴綱係雲臥爲高
林生嘗合刻其
詩號五華五子

重游華亭寺

華亭深處已題名今日登山屐更輕石氣成風吹海立松
聲似雨雜潮生泉通幽澗茶煙溼雲護深林鶴夢清猶有
元朝舊碑在土花空映晚霞明

湯鵬字海秋益陽人道光癸未進士歷官戶部郎中有

海秋詩集

詩話海秋負經世才初自郎曹直樞府旋入諫垣以
言事復還郎曹值海疆多事屢有所論列年甫強仕
還卒於京邸曾文正及姚石甫邵位西諸君皆深惜
之詩淋漓酣暢言必蘄於盡意不規規於格律如其
人爲

久不得家書

鮮鮮躑躅花得得粟留聲膝前四兒女競作嬉春行焉知
我心深憂愁不可名瘦妻拭几席羅列酒與蔬有酒我不
飲有蔬我不茹達旦我不寢繞屋百匝趨我自離父母悲
歡向誰道歲月日已深衣裳日已槁骨竒行路難詩富黃
金少至哉我父母黃金非所禱

誰謂江海深不知涕淚多誰謂長安樂愁思當奈何長安
多貴游駿馬橫經過晨朝銅龍門夕醉玉山阿可憐湖湘
子十日九不起問我何所憂問我何所喜昨夜夢娟娟尺
素剖紅鯉覺後乃微茫愴恨殊未已憂喜兩循環故故回
我腸有懷不可訴獨坐增徊徨

喜雨

端居想氣數積久多繁憂歲歲火雲舉村村兒女嗽但聞

井里空不見禾黍稠年荒議論雜心微涕泗流步出自西門好雨從東疇菜甲行可摘稻花靡不抽三輔多稼穡此外吾無求

雲興何山頭雨歸何澗底焉知造化功但見郊原美藹藹黍稷興離離婦子喜旣懽耕者情亦完仕者理哀哉醉飽中感召其有以得雨且悲歡觀稼宜終始往問力田翁一雨甯足矣

今夕行

今夕何夕秋風發川水欲冰山見骨老蟬咽嗽著樹乾瘦蝶伶俜撲窗突秋風於汝意云何嗟我與汝本殊科牆上之蒿不可倚莖枯葉脫無回波

今夕何夕秋草凋結根失所成蓬蒿階下決明獨顏色庭

前白菊孤丰標青袍腐生呵護汝無那秋風復秋雨願移
太古陰崖巔風雨不到長延佇

今夕何夕秋月白河漢迢迢情脈脈天上雙星太纏綿人
間一劍獨躑躅身無羽翼凌天閭投壺玉女難依傍短飛
醒齷勿復道蟾蜍知我之心腸

寄陳松心

神交未謀面天遠一思君詞賦無高第江湖有白雲芟荷
堪作壁鷗鷺自爲羣落落幽期處人間聞不聞

喜陳登之別駕到都

秋色滿天地君從何處來風塵趨走日淮海轉輸才驥足
空餘子燕山有舊杯相逢心款款離合兩裴回

贈張詩舸觀察

四月南風發飛騰見使君劍吹關塞霧衣雜海山雲輪輓
誠餘事崢嶸故不羣卽看宣室召天語豁殷勤

閉門

不貪人事與侵尋薄宦聲名悄至今一雨放春楊柳綠百
年如夢屋廬深才能受謗有餘福詩不閉門無苦心幽鳥
幽花吾肺腑市朝深處得山林

南鄰

莽莽天涯寄此身風流來往側烏巾攤書跌宕雲橫几挾
句推敲月趁人梨棗均勻兒女大酒肴澹泊歲時新天真
爛漫知何似杳杳桃源物外民

訪陳筠心

酒力如山百感平非狂非聖一迂生未成四十元爲福便

說林泉似不情埋照妝應師阮籍
啖名吾亦笑黃瓊短車破帽長安道
憔悴人間吏隱并

過方稼軒故居

馬上東風涕泗滂酒酣拔劍憶王郎
一官僚倒存儒素萬卷飄零付夕陽
陋室苔痕悲劍履元亭草色怨滄桑
不知黃鳥綠何事飛繞闌干百轉長

幽州九日

滿把茱萸當采薇天涯九日淚斜揮
登高怕見南飛雁人自傷心雁自飛

沈濂字景周號蓮溪秀水人道光癸未進士由刑部主事歷官江蘇淮徐海道有蓮溪吟藁

雜詩

黃雀常栖栖卑居依四壁朝飛去不遠日暮還歸息紛紜
長兒子飲噉聊自得爲我語黃雀汝居何偪仄曾不志干
里慙媿傳雙翼黃雀翩然起屏營對以臆造物賦形小遠
舉無氣力亦知鳥有鵬圖南非我職願言終簷端簷端信
樂國風雲卽無時鶴子不我擊

神仙行處有亦不避塵喧咄哉劉子驥求之未有門遠近
以地別靜躁由中存藐余視天地肫然猶黃軒禾黍熟井
井雞犬歡村村室有琴可絃廚有酒可尊淵明儻復作何
地非桃源

復與弟飲因憶少時文酒之樂今褚菰塍國錄

長春

吳和村二尹

應和

吳思亭別駕

修

浦又垞明府

日

楷

胡仁圃孝廉

祥麟

徂謝久矣感而有作

劉伶嗜酒頌酒德此中真意猶未識荷鍤青山隨處埋如
何不葬陶家側吾曹劇飲自天性少喜酣呼老猶盛糟邱
麴壘縱酒兵潛蚪玉柱喧觴政古人樂酒開芳宴無故興
嗟幾相見歡娛痛醉極淋漓感慨悲歌多眷戀蠟花搖搖
夜迢迢此時佯坐非管簫長吟擊節殊錯落短髮顧影霜
飄蕭杯行到手莫停手少壯交游今在否墓門喬木半蒼
煙昔年跌宕同文酒酒酣意氣皆千古春夢無痕渺何許
眼前有酒不自醺後世誰澆趙州土

錢味根明府

聚仁

移居

吾愛錢郎早解簪如魚歸壑鳥還林香爐穩送通明宅紙
閣微聞白傅吟晝讀書多宵夢古幼交朋密老談深結鄰
笑我空留約未遂雲山一片心

處處

處處征輦老自嗟漫隨年少對韶華
鰕魚流水桃花活燕子春風柳絮斜
藉草壺觴皆上客畫船簫鼓又誰家
太平樂事何曾欠瘦策寬鞵步輦沙

殘更

感舊懷人百慮縈夢回酒醒坐殘更
窗紗月落燈油暗慣聽晨鴉第一聲

徐盛持字夢笙奉新人道光癸未進士
歷官龍州同知有寸草軒詩存

九日偕龔漚舸郭小巖門人范生問庭
蕭生含素唐生雲溪王生清如游青原
山登高席間分韻得來字次山谷韻

平生抱山癖人事撓氛埃名山多負負到處空復回登高
訪青原盤紆白雲隈岡巒互扇鑰深入豁然開巍巍淨居
寺殿閣森良材佛家亦興廢今昔良可哀躡屐徧探幽言
尋山水涯欽寄磊落石飛雲絕梯階亭臺半傾圯結構無
丈椽洽洽曲礪泉清不受塵埋聽泉待月橋道心生秣垓
天工勝人爲此理詎疑猜我聞王姚江講學辨根荄聚徒
居此山歲舉春秋杯書聲振林谷相得遺形骸千載杳難
期五賢祠已摧吾道竟何如後學誰追陪講堂不可再俗
僧徒掀厖弔古感蒼茫猿鳥聲清哇人饑地乃傳我今七
賢僧重陽無風雨歡攜酒榼來捫蘿意延佇日暮輿夫催
何時買山隱歸路重徘徊

螺墩偕同人宴集

重向螺墩載酒過桃花人面復如何琵琶聲咽瀟瀟雨環
珮魂消瑟瑟波天亦有情容客到人能無恨得春多逢場
作戲尋常事肯爲簪纓易薜蘿

幾度看花泛畫船三村畢竟負花緣舊時桃李猶能笑此
會裙釵亦是仙山色微開新雨後波光緩趁晚風前城樓
鼓角聲聲徹回首江城起暮煙

朱蔚字子藍海甯人道光乙酉舉人官工部主事有盟

蘭山館遺藁

詩話子蘭幼學能詩爲徐惺菴侍郎所
契詩標格雋上婉約和平古體尤勝

春寒曲

鶯聲流入鎖窗裏喚醒香魂慵未起幾度東風作峭寒梨
花如雪春如水屏山曲曲畫愔愔冷淡韶光轉不禁楊柳

萬條披弱絮海棠一樹冒輕陰鑪煙裊字垂珠箔美人舊
住三層閣曉妝試罷著春衫猶怯銀泥裁太薄經年遠別
隔天涯離愁如影常相隨不堪梢梢煨殘夜淺夢重簾纖
雨絲

孔憲彝字敘仲號繡山一號韓齋曲阜人道光乙酉舉
人官內閣中書有對嶽樓詩錄

王秋垞子梅攜酒見過同酌黃葉堆中

黃葉忽搖落秋風舉碧帷青天月初上照我舉杯時情景
此相惜高歌應不辭明朝庭樹下還約酒盈卮

閨中與張亨父同號含喜贈

盡日望不至相逢此最奇幾人爭問訊怪爾竟來遲海內
詩名盛貧中病骨支城南天尺五好醉晚春時

戲簡湯海秋

浮邱先生詩中仙錦囊萬首人爭傳興酣落筆一萬字長
河倒瀉驚奔泉閉門忽復厭高詠一百五日無新篇立言
奮起諸子後天人物理留眞詮挂名君家詩集裏

川蘇句三

年懷袖心拳拳小册乞題徧海內青蓮詩意誰爲傳得君
奇句寫狂態聲價十倍應無前短札索詩手相報許我破
戒吟蒼煙是時新雨始澄霽夕陽紅上西山巔拓窗高閣
硯含潤詩情定與花爭妍願君吟成爲親寫腕底佩彊盤
蛟蜿蜒香掃地且相待一披詞翰驅塵緣

張小圃學使以重刊秀野堂本韓詩見貽賦謝

平生尊韓公夢寐每若見學詩名吾齋古本寶李漢側想
秀野堂苦心事摩研精本世罕求日久或漫漶嘉惠重開

雕朱墨何璀璨流傳貴有人欣復歸使院我登文海堂獲
此劇歡忭蓬窗日吟誦客路消午倦竊謂公文章流派實
淹貫光焰萬丈長已導歐蘇先尋源共追溯烏能得涯岸
性情得所近學焉志吾願拜嘉多餘珍此惠實所冠

張詩船方伯以伏波銅鼓送焦山寺中作詩紀事依
韻和之

實氣夜上貫東斗蛟龍拜舞江聲吼無人知是銅鼓來但
訝虹光滿戶牖此鼓流傳自嶠南伏波將軍手親叩班牀
古色青且蒼神物猶存千載後張公得之桂嶺西萬里攜
歸達江口草堂藏弄多吉金獨此神奇寶永久興至摩挲
日千百詩成落筆驅蛟蚪忽思位置焦山巔逕買扁舟載
之走雁堂有鼎屬定陶諸葛鼓左此在右

阮芸臺太傅張
芥航河帥先以

漢定陶鼎諸葛
銅鼓置寺中

昔染蠻雲瘴雨寒今依佛火禪鐙翻詞壇

歌詠詩人豪寺門鎮壓老僧守千秋雅舉傳名山眞州延
安同不朽

贈包慎伯明府

材大難爲用垂垂七十年此懷自飢渴餘論總流傳入品
書眞聖多情句欲仙白門游已倦高卧對江天

黃文琛字海華晚號甕叟漢陽人道光乙酉舉人歷官

湖南候補知府有思貽堂玩雲室諸集

詩話海華以乙科官成均改外爲丞倅游歷郡守宦
蹟所至山川風物之勝藹藹期會之勞悉於詩發之
古體勝近體七古又勝五古體製學眉山長篇短什
皆有浩浩落落之致而字字必經洗鍊而出所謂成
如容易卻艱辛異乎近世學宋
詩者以亂頭粗服爲能事也

涼夜檢理舊書感賦

少時不願輕去鄉讀書願罄家所藏閒從鄰好乞善本手
鈔夜闌鐙燭光亦知力索乏真味不解癖嗜長慙忙丹黃
紛藉染十指籤帙散亂堆滿牀乙科誤人再奔走浮雲改
變家業荒飢來驅我苦無暇安能捆載隨輕裝遠函復報
遭水厄敗垣毀室同悲傷陽侯豈其愛文字如此豪奪真
猖狂河北歸來迫冬盡蒸暴鎮壓收流亡頻年浮蹤今暫
息十僅其一充行囊今夕何夕幸無擾檢書未竟心彷徨
舊墨過眼了不識驚回斷夢春茫茫人生誦讀亦有命何
殊金紫登朝行百不如人恃有此疊經催折成老蒼素縑
欲動林風靜淨月橫斜窗月涼呼名牖拜酌杯酒長思鑒
我非相忘

清明

淡淡湖風弄雨絲
紙灰飛上綠楊枝
三年不過歸元寺
腸斷清明上塚時

傷歌行

朱門日出鎖未開
內批已遣金吾來
驅逐婦女出門走
驚妝欲覓頻相催
屋屋檢視誰復問
大索十日收貲財
膏田連棟不可算
吳綾蜀錦紛成堆
深藏寶賂發光怪
海物充積高崔巍
以車曳載入內府
街頭雜沓奔如雷
賓客逃避家
僮散相公始自炎
州回番禺珠翠果
何有愁腸軫轉心
寒灰小侯寄食長
不飽妖姬掩袖曉
紅腮夢中旌纛猶
在眼銀鐺夜半聲
喧阗中朝達官忍
棄我風簷慘淡私
徘徊浮雲變幻亦
常事如此顛折非
人災門前一雨生
莓苔親戚嗟歎行
人貽不記手扶大
河水魚龍饒嚼天
爲哀

九月同琉球鄭生

學楷

赴通州作

西風送鈴馱初日浮古塵王事莫敢息于役偕遠人海藩
被恩信濟濟來成均私懷屢得請不愧觀國賓黃花酒已
熟吹帽值佳辰程期限公牒僕隸嘖且呻安知余蓄念瘡
痍軫邊垠三載警烽檄犬羊味尊親嘉爾篤忠孝厯險歸
我仁附枝無曲木同轍非異輪漢德優旣渥景命終古新
永永爲外捍不在輸奇珍學省延國胄所期化益溥凜然
效一職去矣無苦辛

擬贈晉江御史陳公

慶鏞

皇帝二十有三祀歲在癸卯月建巳萬人一口呼太平歡
動朝廷眞御史御史獻言職所司以言得罪焉敢知傷威
縱敬廣所切高位可復貪庸口一討明矣天子聖貴人參

慄驚名姓我皇大度古來無特蒙褒許更成命愛公宿學
慕公久心傾此事尤頻首公昔釋褐歲壬辰九重憂旱求
直臣謇辭論列劉給諫光三先賢後哲同超倫眼中再見
朱雲人延英但少張將軍魏公斌媚作何語沈沈溫室不
可聞公身決爲當世用公文豈獨吾曹誦更須蒞別謀本
根廓清六合安鸞鳳

送福同年涪復宰關中

君居巷南我巷北三年不識思顏色古槐花寺始逢君快
然所見溢所聞座中無限青雲客與我並坐情相親歎息
魯國一杯水大魚潑刺赤其尾三揖一辭了無難古來賢
者類如此煙鴻哀叫秦雲秋桑柏彫悴使人愁天子臨軒
簡良宰嚴程赴隴不我留會遲別速傷如何感君執袂情

獨多我懷徑敢向君告莫以前非悔年少好風吹送來晚
歌我爲蒼生向西笑

復至德山

日日來看江上山居人笑說使君頑使君無事且樂此尙
恨爾來腰腳孱東華旅食逾十載緇塵滾滾人如悔鄉夢
迷離意常醒捫胸邱壑依然在此邦水與山俱清我未來
時熟其名故交四方不可合江雲嶺月知我情

舟過德山爲留半日

今日何日飽看山山色落我船窗間定知山靈獨笑我聞
官何事身不閒舟子催促莫久住此間未是收帆處涼波
疊碧天已風沙禽突破秋煙去

白馬渡

哀援唳江上山山雨滴綠綠滿船六月單衫坐蓬底細
數雪驚衝涼煙溪迴柁轉更清絕誰構亭子山之顛衰俗
踵事好奇詭曾見幾人昇青天桃花不開石門閉杉筠長
大藤鉤連瑣窗朱閣夢何所書生恨賦秋月圓吁嗟在昔
滅州稅追留白馬真能賢歲久無復記遺愛荒唐此地誇
神仙好風吹送不得住我亦有累難息肩芒屨布襪定何
日到處自辦游山錢

發德山

割麥天氣江流黃沙灘漸沒五尺強鼓師弄手百夫唱竹
索倒拽船低昂回頭看山在林杪孤峯一角浮圖小畫旗
飄揚風轉腳羨煞估帆去如鳥朝天路遠六千餘堂堂歲
月閒掃除遙與山靈結後約再來顏鬢知何如

枇杷

故人惠我黃金丸，駢蒂森梢堆滿盤。可喜荒郡亦有此肺
枯甘沁靈漿寒，建業蠟兄名最久。山南舊事依然否，飽啖
佳果轉生悲。揚州舊夢黯回首，畫船簫鼓高戛雲。嬌喉喚
賣風吹薰，連江戰壘人骨白。明月不知今幾分。

下灘

溪神試我老膽勇，夜召風雨故驚悚。巖垂壑沸豪秋湍，地
機騰激晴雷洶。船頭半沒船尾高人與，伏鱗共飛踴。濺衣
及屢自安坐，一木擺撥羣力捧。篙工脫險乃大笑，竊臆使
君得毋恐。豈知倔強性所成，莫以危疑震衰冗。慣看世態
等鷗鷖，嫉邪未敢悔。前踵綠潭箭下平，如席搜奇早已詩
肩聳。

抵武昌

朝發渾洲頭暮泊鮎魚口江山不復識牢落戎馬後故鄉
昔殷富狂寇屢芟蹂焚殺一何慘兵氣尙纏糾警標自東
來彩鷁壯屯守荒忽幾疆吏喪地某至某泄泄今七年未
滌豺狼藪酸涕強西眺此心更何有敝廬蕩無存親舊睽
離久煙火自蔥鬱新屋十八九餘息驟難蘇疲俗終安否
殘妖決可掃顧影念衰朽從來據機軸是賴活人手制勝
非有他臨事毋一苟亂霞明高堞秋色澹霜柳對此風物
殊愴然低白首

余正酉字秋門厯城人道光乙酉舉人官平陸知縣有

秋門詩鈔

詩話盧雅雨纂山左詩鈔書成於乾隆間嘉慶中張
南崧鵬展視學是邦復爲賡續秋門與校勘之役嗣

又踵編後集附自作於後並取朋僚揆贈壽言畢列
卷末選詩每苦詩人仕履不易搜輯若秋門所爲正
未可厚
非也

送友人赴粵

此去投誰是飢驅路幾千
畫皆梅子雨秋老荔奴天
八口愁生計孤帆入瘴煙
明湖春柳色相待憶年年

題柳田郊居

結茅依近郭高卧對南山
竹院無人到松亭有鶴還
蓬蒿三徑合風雨一廬閒
案上新詩藁重看每自刪

朱駿聲字豐芑號允倩元和人道光乙酉舉人官揚州

教諭有傳經室詩存

詩話豐芑篤學閭修著書九十餘種多未付梓說文
通訓定聲一書於成豐間曾進呈乙覽賞國子博士
銜詩以詞采格調勝不雜經生一語初學溫李綺錯
婉媚麗絕當時後列專學東坡恢廓從橫有筆歸十

軍之勢

龍井

毒龍何年來潛此深淵中
虛崖噴流雪驚湍寫長風
下插石崕崕上擎天鴻濛白
雲有時飛恰掛巖邊松我心
隨白雲舒卷無始終

客中七夕

辛苦驅鈴馱長亭復短亭
去家經兩月入夜看雙星
積雨汝流白浮雲泰岱青
客衣誰遠寄預戒早霜零

鳳皇山弔宋故宮

回首昆明已劫灰
湖山終古夕陽開
但教師搗黃龍去那
有江橫白雁來
寶氣盡隨妖霧散
風聲猶送晚潮迴
汴京宮闕同禾黍
南渡君臣儘可哀

蜀鏡詞

蟾蜍蝕盡瑤臺月對舞時聞鳳鸞泣可惜青青一片銅不見當時好顏色三十二字伊誰銘背蟠細紐魚螺紋祇可涵來綺窗影莫教飛入天雄軍芳林園裏歌聲改花柳于今竟安在只有明珠出匣中黃昏仍下山精拜我欲摩抄一問之傷心杜宇夜深嘯千年金鏡照家國可照當眉寫翠時

記錢武肅王水府告文銀簡

其文云大道弟子天下

吳越國王錢鏐年七十七歲二月十六日生自統制山河主臨吳越民安俗阜道泰時康市物平和遐邇清晏仰自蒼昊降祐大道垂恩今則特詣洞府名山徧投龍簡恭陳醺謝上答立恩伏願合具告祈兼乞鏐王申行年四時履歷壽齡遐遠眼目光明家國興隆子孫繁盛志祈立視允協投誠謹詣太湖水府金龍驛傳於吳越國蘇州府吳縣洞庭鄉東皋里太湖水府告文寶正三年歲在戊子

三月丁未朔二十六日王申長
五寸六分廣三寸七分銀質重二十兩

順治紀元吳大旱太湖龜圻湖底見相沙銀簡蟠龍螭長
六寸許廣半之其質權衡二十兩鐫字毫釐會不爽一百
七十有九文硬黃可拓於今存文言大道弟子天下都元
帥吳越國王時年七十又七歲二月十六日誕生統制山
河時康平蒼昊降祐神垂恩特修龍簡恭醺陳乞鏐四時
履歷遐壽齡眼目光明無疾疢家國興隆子孫盛志祈玄
祝相投誠太湖水府當沈璧告文傳自金龍驛蘇州吳縣
洞庭鄉東皋之里神昭彰末以寶正三年歲戊子三月二
十六日壬申紀此揭藏諸謙六君秀水楊氏名大圻吾家
世世居吳門亟書厓略識舊聞

醉時歌

人生百歲亦草草安得黃金鍊丹早閉門兀兀空著書不
飲那知酒杯好昔有劉伯倫死便埋我全其真後來誰續
酒德頌我識世間無酒人春風二月開桃花緋緋一樹蒸
紅霞芝田種秫釀新熟高興肯讓麻姑家醉後看天大如
斗左手擊鮮右手擊缶行樂安能千萬年倏忽浮雲變蒼
狗我悲東園公山人勸酒依青松一朝爲漢出山去功成
胡不歸山中我愛李青蓮長安市上白日眠清平樂章帶
醉賦歸來捉月滄海邊古人已往今人來天地自築糟邱
臺不能讀破書萬卷何當鯨飲傾千杯吁嗟乎人間日月
車輪馳蓬萊仙人不可知酒星墮地酒泉竭丹砂亦有駐
顏時

黎愷字子元遵義人道光乙酉舉人官開州訓導有近

溪山房詩鈔

山齋夏夜

孤吟竟何待坐久衣袂涼不覺月華墮但聞風露香殘螢
度高樹宿鳥棲叢篁吾生本淡泊觸景興彌長

管同字異之上元人道光乙酉舉人有因寄軒詩集

詩話異之少孤貧其母鄰有以長姚姬傳北部主講
鍾山異之與梅伯言稱高弟傳其古文學異之嘗爲
書論風俗積貯又言洋貨日至中國國財安坐而輸
於異域其爲害尤深入服其遠慮詩朗峻兼有蘇黃
之勝

題汪孟慈禮堂授經圖

儒林有丈人學究天人奧通眉舉明經遽赴玉樓召於時
詢童烏芳齡始踰悼客來執詩問瑟僊了義妙文人厄九
命後嗣終食報宦達何足言持身等圭瑁繡衣爭國論彩

筆述庭諸鯉庭舊間存伊今洵克做嗟子廢蓼莪哀思正
同調寸草腐無稱辜負春暉照承君猶不棄示我圖中貌
努力振家聲相期在忠孝

張琚字子佩黔西人道光乙酉副貢官開泰教諭

十柏山房燕集用吳澈翁游東山韻呈姚伯山太守
柬之

薤薤十柏擁蒼屏敲枕幽香入夢醒禁體成詩浮大白餘
情調鶴坐深青爲耽野趣頻邀月況有新篇繼聚星暫挽
高軒還小住畫圖擬作醉翁亭

晚晴蓀詩匯卷一百三十一終